

Transkription von Urkunde HLK 1497d

Ort, Datierung: Lübeck, 1497-07-11

Signatur: Stadtarchiv Wismar, XX, A (Nr.1)

Jw Erszamen vnnd Wiszen hernn Borgermeisternn vnde Radtmannenn tor Wismar vnszen
Be/szundern guden frunden Vnde den beschedenne(n) manne(n) Olderluden Sworne(n) meistern
vnnd(e) / gantzem Ampte der Grapengeter vnnd(e) kanne(n)geter darsuluest Don wy Borgermeistere
vnde / Radtmann(e) der Stadt lubeke Nach vnszes fruntliken grutes irbedinge witlick(en) apenbar
beken/nende vnd(e) betugende In vnnd(e) mit desszem(e) vnszen apene(n) breue Dat vor vns gekamen
/ sindt Heyne oberkes vnnd(e) Marquart Sternenberch Alderlude vnnd(e) Swornen meistere / des
kannengeter Amptes hir bynne(n) vnszer Stadt vnsze leuen medeborgere louenwerdige / frame
ma(n)ne louelike vnnd(e) erlike tũchnissze geuende Van Hinricke bockholte toger desszes / vnszes
brieues Dat he mit en in erem(e) erbenom(edem) Ampte gewest vnnde gedenet hebbe alsze / eyn
houesch vnnd(e) tuchtich frame geselle ẽrlike handelinge vnde gudes geruchtes Also / dat sze vnnd(e)
dat gantze ere erbenom(ede) Ampt Vnde sunderlin(ghe) selige Reymar krusze / do he leuede dar he hir
in dem(e) suluen Ampte latest mede gedenet hefft , gutlikenn(e) dancken / Se seden ock furder , weret
eme bequeme gewesen , hir synes sulues towerdende In dem(e) / erbenom(edem) Ampte, se wolden
ene gerne to eyne(n) medebroder dar ane entfangen heb(e)n Woru(m)/me is vnsze fruntlike bede vnde
beger Gy dem(e) erbenom(edem) Hinricke bockholte synes guden / geruchtes vnde vnszer bede
genete(n) laten Vnnd(e) weszen eme behulpen dat he in dem(e) erben(omeden) / Ampte der
Grapengeter vnnde kanne(n)geter bynne(n) Iuwer Stadt synes sulues werden syn / ampt dar ane eruen
aller fryheit vnde guder loueliken wonheit gelyck ander(e)n dessulff/ten Amptes medebroderenn bruken
moge , Dat wille wy togen Iw vnde de Iuwe Im geliken / vnnd(e) grotern gerne wedder vorschulden ,
Desszes to tuge der warheit hebbe wy vnszer Stadt / Secrete witliken benedden an desszen brieff heten
hengen Geuen na christi geburt vnses / hern Duszent Vêrhundert Souen vnnd(e) negentich am(me)
dage Translationis Benedictj /